



隋唐文明

文懷沙 ◆ 主編

第五十四卷

古吳軒出版社

文懷沙 ◆ 主編

隋唐文明

第五十四卷

上海大學「大學叢書」

古吳軒出版社

圖書在版編目 (CIP) 數據

隋唐文明／文懷沙主編．：《隋唐文明》編纂委員會編．

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 N. Z121.7

中國版本圖書館CIP數據核字 (2004) 第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明

主編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

開本：889×1194 1/16

總印張：4027.5

印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓 (全100卷)

隋唐文明

第五十四卷目錄

全隋唐文四

欽定全唐文一千卷（二）（卷四〇至九一）

〔清〕董誥等纂

三

全隋唐文

四



欽定全唐文卷四十目錄

元宗 二十一

加天地大寶尊號大赦文

南郊大赦文

加證道孝德尊號大赦文

幸蜀郡大赦文

封泰山玉牒文

祀后土文

奠讓皇帝文

欽定全唐文 卷四十 目錄

策道德經及文列莊子問

讓皇太子表

讓禪位表

賜林邑國王建多達摩書

賜磧西節度使阿史那獻書

賜突厥書

賜三姓葛邏祿書

慰諭李傑勅書

再賜三姓葛邏祿書

賜郭虔瓘等璽書

賜突騎施書

賜突厥璽書

賜契丹衙官靜柝軍副大使可突干書

報吳兢書

賜突厥璽書

賜新羅王金興光書

賜新羅王金興光書

賜李光書

欽定全唐文 卷四十 目錄

賜瓜州刺史墨離軍使張守珪沙州刺史賈思順

書

賜金城公主書

賜吐蕃贊普書

賜新羅王金興光書

賜小勃律國王難泥書

弔突厥可汗弟闕特勒書

賜康國王烏勒書

賜杜暹勅書

弔渤海郡王大欽茂書

賜突騎施可汗書

賜三姓葛邏祿書

報宋王成器獻牛馬助軍書

與寧王憲等書

賜葛邏祿葉護璽書

欽定全唐文

卷四十

目錄

三

欽定全唐文卷四十

元宗二十一

加天地大寶尊號大赦文

唐大詔令集卷九

自昔皇王受命必降於元符天人協心乃彰於大號朕續承元緒虔奉睿圖何嘗不精意真宗專心庶政幸以邊隅底定風雨時若人和歲稔且洽於時雍極瑞殊祥薦臻於昭應故得玉芝再產祕牒元通至道降休先聖儲祉顧惟菲德曷以克當是用祗薦崇名永揚洪烈羣公百辟援義比事誠請不已固辭不獲以今日敬膺典冊曰開元天地欽定全唐文

卷四十

元宗

一

大寶聖文神武應道皇帝徽章戴茂寅畏增深宜因稽古之典式布惟新之澤可大赦天下自天寶八載閏六月五日昧爽已前大辟罪已下罪無輕重已發覺未發覺已結正未結正繫囚見徒常赦所不免者咸赦除之朕永惟風教漸冀還淳至於宏貸之名亦思復古其天下百姓丈夫戶頭者宜各賜爵一級征鎮之役其來久矣雖存素備諒在憂通頃者用兵蓋非獲已今西戎摧殄北虜歸降南蠻東夷咸來稽顙亦可謂四海無事萬里廓清減戍息人思宏善貸其軍鎮兵非切要可均減者宜令本鎮節度使與

所司商量處置奏聞其百姓有頻經征戍者已後差點之次不在此限高年給侍義存養老因時定式務廣仁恩其天下百姓丈夫七十五已上婦人七十已上宜各給一人充侍任自揀擇至八十已上依常式處分唐虞省刑畫冠不犯秦漢制法密網維煩理亂之源得失斯在朕常想淳古務崇敦朴刑期不濫政協無爲豈惟守於外乎庶有臻於大道頃者詳諸條目已從簡易至於結斷尚慮深刻所貴從寬示其知禁宜令中書門下與刑部大理寺法官審更詳定律律之間有所不便者具條目聞奏禘祫之禮以

欽定全唐文

卷四十

元宗

二

存序位質文之變蓋取隨時國家系本仙宗業承聖祖重熙累盛既錫無疆之休合享祭神思宏不易之典自今已後每遇禘祫並於太清宮聖祖前設位序正上以明陟配之禮欽若元宗下以盡虔恭之誠無違至道比來每緣禘祫時享則停事雖通於從宜理或虧於必備已後每緣禘祫其常享無廢享以素饌三炷香以代三獻又奉先追遠禮惟昭德崇福展敬義在因心自今已後獻祖宣皇帝宣莊光皇帝光懿皇后忌日宜令京城一日設齋太祖景皇帝景烈皇后代祖元皇帝元貞皇后忌日京城三日行道

元宗妙本實備微言垂範傳策將宏至化朕所以發求道之使遠令搜訪因聽政之餘親加尋繹既判訛謬爰正簡編必有闡揚以敦風教今內出一切道經宜令崇元館即繕寫分送諸道採訪使令管內諸郡轉寫其官本便留採訪郡大一觀持誦聖人垂訓蓋先於道學者宗本必有其師文宣王與聖祖同時俱爲教首雖考言比德理在難名而問禮敘經跡彰親授思廣在三之義用崇得一之尊宜於太微宮聖祖前更立文宣王遺像與四真人列侍左右且道降真符天有成命藏之於密則取固名山彰之以類

欽定全唐文

卷四十

元宗

三

則發祥星洞況靈仙所集宜表殊休太白山可封爲神應公所縣四時祭祀其金星洞改爲嘉祥洞所管華陽縣改爲真符縣仍置一祠宇仙人臺下置一觀兩京並十道於一大郡亦宜置一觀並以真符玉芝爲名每覲度道士七人修持香火戶部侍郎兼御史中丞王鉷以才授委以忠奉上頃命精求元記克協神心宜旌迺誠俾正章綬特與三品其李渾等三人旣親傳真誥因獲元符當有甄明用旌福應宜令中書門下量其所能具狀聞奏當別處分又九州之鎮實著禮經三代之典必崇望秩事旣屬於報功

義有符於錫命其九州鎮山除入諸嶽外並宜封公仍各置祠宇先已有祠宇者量更增修其五嶽四瀆雖載常祀儲慶發祥當申昭報宜令所在長官各陳祭禮名山大川亦量事致祭天下侍老並量賜酒麪內外見任文武官職事官三品已上賜爵一級四品已上加一階其京文武官在京及諸色陪位官通表使等賜帛有差率土之內賜酺三日

南郊大赦文

唐大詔令集卷六八
文苑英華卷四二五

皇天眷命必順於五行哲后馭時實遵於三統考古之道

欽定全唐文 卷四十 元宗

四

何莫繇斯朕欽若上元嗣守丕業察璿衡以齊政念稼穡以勸人日慎一日四十載於茲矣何嘗不夙夜祗畏憂勞在懷思致黎元臻夫至理幸以刑清俗阜天成地平萬方底寧羣物咸遂雖慙大化且謂小康此皆至道儲社宗社敷祐豈予菲薄而克致焉然則上稽厯象傍採典議爰以土德承漢火行是憑大易之辭用紹前王之烈積祥累應正閏攸分不改舊章惟新景運屬獻歲初吉乘時布和是用展祀崇禮竭誠昭報庶協發生之序載覃雷雨之澤可大赦天下自天寶十載正月十一日昧爽已前大辟罪已

下罪無輕重已發覺未發覺已結正未結正繫囚見徒常赦所不免者咸赦除之其左降官及流移配隸安置罰鎮效力之類並稍量移近處其官已復資至敘用之日不須爲累其流人配隸并一家往者所犯人情并切害身已亡沒其家口放還流人及左降官考滿載滿丁憂服滿者亦準例稍與量移其亡官失爵放還不當其諸色放停解考免與替人等非犯賊者宜令所司勘責量加收敘其衰老疾病者仍與致仕官天下百姓今載地租并諸色勾徵欠負等色在百姓腹內未納者並一切放免且京兆府及三

欽定全唐文 卷四十 元宗

五

輔三郡百役殷繁自今已後應差防丁屯丁宜令所繇支出別郡禮者所以訓導人俗昭事明祇所宜增修以會其本況國之大典在於精禮必資備禮以彰尊奉自今已後設祭南郊薦獻太清薦享太廟其太尉行事前一日於致齋所具羽儀鹵簿公服引入朕親授祝版乃赴清齋用展誠敬夫孝子奉親生極敬愛殲有思感霜露之感愈深祭以嚴恭蒸嘗之敬如在且廟者貌也取像存焉是禮繇於情因心則感太廟宜置內官以備嚴奉仍於廟外別造一院安置庶申罔極之思無忘事生之禮嶽瀆山川蘊靈毓

粹雲雨之澤利及生人春秋之義存乎祀典況正其運序式遵歲秩其五嶽四瀆及諸鎮山宜令專使分往致祭其名山大川及諸靈迹并自古帝王及得道昇仙忠臣義士孝婦烈女有祠廟者各令郡縣長官逐便致祭其有陵墓屋宇頽毀者量事修葺合應禁樵採宜申明捉搦四海攸廣百川朝宗德乃靈長道惟善利永言澤潤義在封崇其四海宜並封王仍差使備禮冊祭每順時行令奉道施法天心不違靈鑒不遠且去載長至庚子御辰今茲建元辛卯應歷立春乃標於歲首上巳更協於清明此氣序和調

欽定全唐文

卷四十 元宗

一六

乾坤交泰既正東方之位咸歸啟運之祥則政貴宏通上符天意況法以輔德刑以閑邪豈在煩苛必資簡易朕永懷至理思致還淳每軫哀矜之心屢申寬大之詔實欲人皆知禁化洽無爲頃者已令法官每刊刑典猶慮尚乖大體未副朕懷再令中書門下與刑部大理寺審加詳定務從寬典夫共理親人在於郡守縣令今二千石朝廷精擇咸得其人縣令委之選司慮未盡善孰若連職同官見有蹤跡宜令天下太守各舉堪任縣令一人善惡賞罰必及所舉所司仍明作條例每搜羅賢俊旌賞邱園猶慮遁跡

藏名安卑守位瞻言及此寤寐思焉其諸色人中有懷才抱器未經薦舉者委所在長官審訪具名錄奏禮之王制垂範作程亦既觀德訓人孝敬故天子七廟諸侯五廟大夫三廟士一廟孝享奉先亦各有辨今三品已上乃許立廟永言廣敬載感於懷其京官正員四品清望官及四品五品清官並許立私廟京官五品已上正員清資官階相當並五品已上正員外清官父母先亡及無官號者並與追贈又父有封爵合傳授子孫或緣申請遲違準式遂停承襲如有此色自開元以來宜令所司審加勘責灼然合

欽定全唐文

卷四十 元宗

一七

襲者特宜許襲天下侍老百歲已上賜綿帛五段粟五十已上綿帛二段粟三石丈夫七十五已上婦人七十已上綿帛二段粟兩石太清宮道士各賜物三十段陪位道士共賜五百段亞獻太子瓊賜物二千段終獻榮王琬賜物一千段文武百官及有職掌各賜物有差率土之內賜脯三日

加證道孝德尊號大赦文

唐大詔令集卷九

王者事天明事地察修身慎行孝德彰矣故風化天下和睦興焉致敬宗廟祖考來格是則禮莫大於嚴享孝莫大

於揚名有以通於神明有以光於四海朕承貞之道繼聖之業欽若先訓惟懷永圖寶儉寶慈無爲而理自南自北有截來成五教聿與家服仁孝四靈咸盛物應純誠百辟公卿萬方夷夏僉奉元貺徵長發於具源屢薦鴻名願昭彰於至德封章守闕於再於三加以聖祖錫符元中啟迪天心垂裕榮光降臨敢不丕承固執沖讓乃展因心之義以宏推尊之典虔上册禮齋肅思成入室儼然敢忘於日出戶而聽庶幾有聞揚美謠於無疆展永懷於罔極且敬從拜後禮既尊先式副羣心以允成義以今日敬膺典冊欽定全唐文

卷四十

元宗

八

曰開元天地大寶聖文神武證道孝德皇帝大號載崇祇若增懼宜因布和之序式宏在宥之澤可大赦天下自天寶十三載二月九日昧爽已前大辟罪已下罪無輕重已發覺未發覺已結正未結正繫囚見徒常赦所不免者咸赦除之官人犯入已贓不可更令却上後不須爲累其左降官並稍量移近處反逆緣坐流配之色宜與量移其王鉉李林甫柴崇耀阿布思等並寄任非輕包藏特甚原情議法深所難容況日月未淹罪坐尤重即從寬宥何以懲肅應緣親累流配者並不在該及之限左降官承前遭憂

皆不得離任孝行之道所未宏通情理之間深可哀恤如有此類宜並赦歸仍申省計至服滿之日準法處分自今已後編入常式其中有非反逆緣坐及情理切害有父母年老不任相隨無昆弟養者許停官歸侍及有身已衰老久罹譴責願停官者委本道採訪使簡擇具名牒中書門下然後放還鰥寡孀獨乏絕者量加賑給三載黜陟百王令典殿最之迹廉問攸歸欲更別遣使臣慮有煩擾今載宜委本道採訪使具官人善惡奏聞以申勸阻自臨御以來四十餘年械擗延想寤寐求賢林藪無遺旌招不絕猶欽定全唐文

卷四十

元宗

九

慮升平已久策業增多至於徵求或遺僻陋其博通墳典洞曉元經清白著聞詞藻宏麗軍謀出衆武藝絕人者任於所在自舉仍委郡縣長官精加銓擇必取才實相副者奏聞朕尊崇先誼霜露增感於以孝思無忘錫類其內外見任官階俱是三品已上父未有五品官及無官已亡殁者宜各贈五品官及母無邑號者亦與追贈其見任四品五品清官官階俱是五品已上者亡父母先無官號亦準此追贈且厚其風俗五教之旨聿興貴於邱園十翼之風斯在其士庶聞衆推孝弟異代義居高尚確然隨適嚴穴

者委採訪使博訪問薦其孝義之人已經旌表雍睦無易
純至有終著美鄉閭深可嘉尚各賜勲兩轉以彰德行天
下侍老百歲已上版授本郡太守婦人版授郡夫人各賜
綿帛五段粟三十石八十已上版授本縣令婦人版授縣君
各賜綿帛兩段粟兩石太清官闕聖祖仙居頻降休徵屢
貽啟迪不有優異豈表殊常其本官道士宜各賜物三十
段道門威儀王虛真賜物五十段陪位大德各賜物二十
段因心推崇增上美謚惟官統職必在正名今以太常尊
事宗廟安可別署爲名禮不過尊情期達敬五陵署改爲
欽定全唐文

卷四十

元宗

十

臺其獻陵臺等五令及丞并升一階以彰崇奉五嶽四瀆
及名山大川并靈迹之處先賢祠廟各委郡縣長官致祭
其有陵墓祠宇頽壞者量情修葺亞獻皇太子璵賜物一
千段終獻榮王琬賜物五百段其餘各賜陪爵有差其郡
守縣令職在親人必務公勤以康黎庶凡所推擇皆竭乃
誠寵錫之間須甄異等普恩之外太守等並賜爵一級縣
令賜勲兩轉庶期勉勵以表朕心其京文武官一品賜物
一百匹二品八十匹三品七十匹四品五十匹五品三十
匹六品二十匹七品十匹八品五匹九品各三匹十匹北京
留守節度採訪

使並京官準勲出使未迴者所賜物並同見在例左相陳
希烈純粹之道載穆朝廷文儒之風式瞻師表且協和時
令翊贊升平榮嘉其德克壯元老與一子五品官賜物五
百匹攝太尉奠瓊上冊書寶冊讀冊右相楊國忠當朝正
色百僚綱紀廉節遺身三階柱石況發揮孝理潤色鴻猷
金玉王廷典禮增緝不有殊等何用爲勸宜與一子三品
官仍與一子五品官更賜物五百段左僕射安祿山以貞
一之心總文武之任出清北落入贊南官既押登歌又揮
寶冊與一子官更賜物四百匹攝太尉張均太清官祠及
欽定全唐文

卷四十

元宗

十一

修儀注等使普恩之外又賜物一百匹武德功臣及貞觀
初宰輔等緬想忠義感會風雲用集大勲肇興王業其有
子孫零落冠冕陵夷無任宦官者宜令所司勸貴依資與
一人京官唐元勲臣績參締構錄勞念舊每資於懷普恩
之外宜放一子出身如已出身所司依資與一官率土之
內賜醕三日

幸蜀郡大赦文

唐大詔令集卷七十九

朕以薄德嗣守神器何嘗不乾乾惕勵勤念蒼生至於水
旱或憊則禱祠請罪邊鄙微擾則齋戒思過率來四紀人

亦小康蓋祖宗之靈卿大夫之助也是以推心將相不疑於物而奸臣兇黨負信背恩創剗我黎元暴亂我函夏皆朕不明之過豈復尤人哉揚國忠厚斂害時已肆諸原野安祿山亂常構禍尚逋其斧鉞朕用巡巴蜀訓勵師徒命元子北略朔方諸王分守重鎮合其兵勢以定中原將盪滌煩苛大革前弊思與億兆約法惟新上以奉宗廟神祇下以寧華夷動植可大赦天下其天寶十五載八月一日昧爽已前大辟罪已下常赦所不免者咸赦除之自兵興已來有破家者一切與雪流人一切放還左降官各還舊欽定全唐文 卷四十 元宗

主

資内外文武官節級賜階爵安祿山脅從官有能改過自新背逆歸順並原其罪優與官賞

封泰山玉牒文

唐大詔令集卷六六

有唐嗣天子臣某敢昭告於昊天上帝天啟李氏運興土德高祖太宗受命立極高宗升中六合殷威中宗紹復繼體丕定上帝眷祐錫臣忠武底綏內難推戴聖父恭承大寶十有三年欽若天意四海晏然封祀岱嶽謝成於天子孫百祿蒼生受福

祀后土文

恭惟坤元道昭品物廣大茂育暢於生成庶憑休和惠及黎獻博厚之位粵在汾陰肅恭時巡用昭舊典敬以琮幣犧牲柔威庶品備茲瘞禮式展誠懇

奠讓皇帝文

隆基曰一代兄弟一朝存歿家人之禮是用申情與言感恩悲涕交集大哥孝友近古莫儔嘗號五王同開邸第遠自童幼泊乎長成出則同遊學則同業事均形影無不相隨頃以國步艱危義資克定先帝御極日月照臨大哥嬪長合當儲貳以功見讓爰在薄躬既嗣守紫宸萬幾事總

欽定全唐文 卷四十 元宗

主

聽朝之暇得展於懷十數年間棟華凋落謂之手足惟有大哥今復淪亡邈然無對以茲感慕何恨如之然以厥初生人孰不殂謝所貴光昭德行以示崇高立德立名斯為不朽大哥事跡身沒讓存故冊曰讓皇帝神之昭格當茲寵榮況庭訓傳家璉等申讓善述先志實有遺風成其美也恭惟緒言悅焉如在寄之翰墨悲不自勝

策道德經及文列莊子問

唐大詔令集卷一〇六

朕聽政之暇嘗讀道德經文列莊子其書文約而義精詞高而旨遠可以理國可以保身朕敦崇其教以左右人也

子大夫能從事於此甚用嘉之夫古今異宜文質相變若在宥而不理外物而不爲行遠古之化非御今之道適時之術陳其所宜又禮樂刑政所以經邦國聖智仁義所以序人倫使之廢絕未知其旨道德經曰絕學無憂則非進德修業之教列子力命曰汝奚功於物又達德惡勸善之文二旨孰非何優何劣文子曰金積折廉壁壘宜申其義莊子曰恬與和交相養明徵其言使一理混同二教兼舉成不易之則副虛佇之懷

讓皇太子表

欽定全唐文 卷四十 元宗

古

臣聞立嫡以長古之制也豈以臣有薄效虧失彝章伏願稽古而行臣之願也

讓禪位表

神器者天下之大寶受與者帝王之大節臣義兼隱犯誠深敬愛凡所上陳理無苟免國家盛德創物垂範雖時始百年而運經厄會陛下振清廟之徽光蕩機槍之氛恩紹膺永命導揚洪休千載一期實仰元造便欲抗心太素獨善鴻元登平之俗未躋於下武卜代之期輒虧於一簣伏願沛然易慮俯順羣心則區宇永寧人神胥悅若命在必

遂誠無所感必將隕越爲期竄伏無地

賜林邑國王建多達摩書

卿國在海南遠通朝貢所獻方物深達款誠今賜卿馬兩匹宜知朕意

賜磧西節度使阿史那獻書

十姓部落比多款附最爾都擔敢爲背誕以卿忠果令其討伐遂斬首畏元升兒及妻兼復胡祿屋闕等五萬餘帳壺漿塞陌稜負而來自非信著遠蕃何以翕然至此遠陞寧謐緊卿是賴雖鄭吉之護南道班超之臨西域無以

欽定全唐文 卷四十 元宗

五

過焉言念勤勞豈忘鑒寐

賜突厥書

我與突厥素通婚好和親之道豈自今日頃爲小女且緩其期亦可汗之久無報也今者若真心誠請來歲未除任自擇日當遣公主出嫁可汗遣一王子來此宿衛以申兩國之好豈不美耶

賜三姓葛邏祿書

三姓葛邏祿首領散爛侯斤等冒涉遠來並平安好卿等一被驅率多惡歲年遂背逆輸忠間行歸國言念誠節嘉

賞良深緣部落初來已令逐便安置卿等來日大首領及將士已下並得安穩與否有所事意見狀奏來

慰諭李傑勅書

長孫昕等朕之密戚不能相避以禮而使凌犯衣冠雖實以極刑未足謝罪卿志氣忠亮爲國柱臣宜以剛腸疾惡勿以兇人介意

再賜三姓葛邏祿書

三姓葛邏祿大漠都督特進朱斯陰山都督謀維匄雞元池都督實力胡鼻等卿積代以來爲國藩捍比緣默噉侵欽定全唐文

卷四十 元宗

六

擾中間屢阻款誠遂能改圖不遠而復每思忠節嘉歎實深已頻遣書當達此意然金山安置雖是舊居未知初來並得好否默噉兇忍神怒天亡豈惟不識朕恩亦乃負於卿等復離雪恥今正其時度卿等忠勇之誠校彼殘遺之孽取之有同拾芥滅之何異摧枯兵威暫臨必自面縛故命鴻臚卿鄭嘉祚資告身袍帶等馳往宣慰便與卿等計會乘其衰弱早就翦除如或因循更令聚結非直有妨於此亦是不利於卿進退籌量固在於速其能捉獲默噉者已立賞格付嘉祚將往宜各勉思以赴朝委今寄卿等錦

袍鈿帶并刀子礪石至並可領取

賜郭虔瓘等璽書

朕聞師克在和不在於衆懷遠以德不獨以兵卿等或宿將重名或賢王貴種咸負才略受任邊疆當須効力同心盡誠報國捨嫌室隙忘軀立事近得表狀更相異同又請益兵乃非長算自從開四鎮立諸軍控扼有常置額久定即卿等所統蕃漢相兼以之制邊綽有餘裕在乎善用豈藉所加或云突騎施圍逼石城則緣史獻致寇或云葛邏祿徵集兵馬則被虔瓘沮謀進退遂有兩端讒邪必然三欽定全唐文

卷四十 元宗

七

至若大將不協小人間之自保不遑何功可就卿等去日朕已面諭不謂即今尚猶如此且史獻十姓酋長先拜可汗一方黎庶共知所屬突騎施部落雖云稍衆當應履信思順安可恃力爭高虔瓘項將嘉言且以忠道此際尤資史獻未可即來入朝蘇祿先是大將軍未經制命今故遣左武衛翊府中郎將王惠充使宣我朝恩冊爲國公令職朝序並賜物二千段及器物等務於緩懷得所不欲征討示威史獻前擬發兵葛邏祿其時遣衆慮於勞擾當更審思其中權宜屬在卿等王惠迴日一一奏聞昔相如能屈

廉頗竟展功業寇恂不較賈復終承教命率由公道匪徇私情明鏡靈龜各以爲鑒

賜突騎施書

卿遠貢忠信請獻駝馬朕元默爲神淡泊爲德稅彼部落則有勞費已勅有司不令輒受深領厚意宜體至懷

賜突厥聖書

突厥熊省表具知往者默啜狂逆爲人之蠹又詐降遣使於我求婚我國家不違實賜無數所在軍鎮爲之解嚴遂背信棄虛縱凶深犯損我百姓陷我數州從此之後常行欽定全唐文 卷四十 元宗

元宗

大

賊計近者梟戮實謂天誅卿能舉前事之非有降和之請但能誠實何慮不依且漢日有呼韓那是卿族類既率部落來慕中華終保寵榮足爲前鑒今契丹奚等輸款入朝皆封郡王各賜公主放歸所部以息其人卿若能來此是成例官榮重功則授財帛賞善斯行此乃國家所餘亦是卿之所要若懷姦設變口順心違應朝不朝以惡繼惡還學默啜自取殘亡想卿解思不至於此也

賜契丹衙官靜柝軍副大使可突干書

自從松漠郡王殂歿已遣使弔祭卿蕃部大臣衆情所望

事生送死惟義與忠並敦舊好以副深委近得擇藩使薛泰表云突厥殺兒到大雉揚言萬衆欲抄兩蕃左手有息右手不助旣在一身得其自勉力捍時須覺察審防姦詐自從默啜破敗殘賊困窮非時遠來冒死邀利以卿智勇制彼狂愚拉朽摧枯不足爲喻深思此便以效忠功動靜與宋慶禮等籌度勿失事理

報吳兢書

天子臨書是爲盛業史官秉筆必佇良才著作強記洽聞時議咸許牧州典郡此類何求豈轉要以從閑乃迴難而欽定全唐文 卷四十 元宗

元宗

无

就易私願或愜公道若何

賜突厥聖書

國家舊與突厥和好之時蕃漢非常快活甲兵休息互市交通國家買突厥馬羊突厥將國家絲帛彼此豐足皆有便宜自三四十年已來不似舊時法用總緣默啜可汗失信遂令使命不通一口稱和一心即背每將兵馬常抄邊軍天嗔地知人怨神怒身被誅滅豈不由茲今可汗承破亡之遺餘驗違負之得失禍福斯在吉凶可見計合早相依附如何久事違迴仍襲甘涼復行抄劫初聞爲惡不能